



QUÆSTIO MEDICA,

QUOD LIBETARIIS DISPUTATIONIBUS

manè discutienda in Scholis Medicorum, die Jovis

5 Februarii 1722.

M. GUILLELMO DE MAGNY,

DOCTORE MEDICO PRÆSIDE.

*An adversus morbos ex animi perturbationibus oriundos aqua
ex ferro minerales?*

I.

ANIMI perturbatio totum ex animâ & corpore conflatum hominem, totum ex partibus liquidis ac solidis constans corpus, afficit. An in partes solidas, an in liquidas primùm ab animâ derivetur impressio, Philosophi cerrant, & adhuc sub Judice lis esto: perturbationis certè quanta vis sit, ex utrisque æstimandum: eaque explicatio inter solidas maximè ex cerebro & corde, inter liquidas ex sanguine repetenda. Cerebrum constat 1º. genere triplici vasorum, arteriis sanguinem advehentibus, venis eundem revehentibus, (utræque potissimùm partem cinereum component), lymphæductibus; 2º. glandulis ad divaricationem arteriarum, venarum, lymphæductuum sitis; 3º. fibris albis, enaris è commissurâ venarum & arteriarum, maximè partem albam componentibus, quæ sunt & appendices extremæ vasorum sanguiferorum & origines nervorum. Sicut è cerebro nervi prodeunt, quasi in funiculos non intorto fibrarum tramire protensi, menyngibusque tecti quasi vaginâ: ita à corde nascuntur, aut in idem desinunt, basi ampliore, vasa omnia sanguifera, prout recedunt, quasi in apices conicos abeuntia. Nervi è cerebro in partes toto corpore omnes, ascitis tamen creberrimè ramis spinalibus, diffunduntur, ita ut totum corpus penè nervosum; pariter è corde vasa sanguifera in omnem totius corporis sensilem partem ita sparguntur, ut non immeritò corpus totum ubique vasculosum dixeris. Sano animali, sua inest & nervis & vasis sanguiferis tensio: nam in sano corpore resectus nervus altè resilit retrò, & corpori suam conciliat firmitudinem: arteriarum venarumque tensio manifesta. Sano animali, sua inest vasis sanguiferis, sua nervis vibratio: nam arteriæ alternâ dilatatione & contractione pulsare ac vibrare deprehenduntur: nervi patiuntur pulsationes arteriarum venarumque in suâ mole perreptantium: atqui præterea tensio omnium fibrarum manet.

A.



4
festa, (totum autem corpus, si liquores eximas, fibrosum), eisdem vibrationi cuilibet idoneas, oscillationi habiles, agitationi opportunas facit. Nervi ad sensationem soli, ad motum non soli, sed juvante corde liquorum sanguineum impellente, conferunt. Utrumque & fibrarum tensione ac vibratione, & liquorum impulsu conficitur: omnis enim efficientia, fibrarum ex tensione ac vibratione vel certè nisu ad utramque, liquorum ex fluxu vel nisu ad fluxum, proficiscitur. Tensio ac vibratio fibrarum duplex: alia sana, quæ nullam in partem peccet, sed constet mediocritate haud dubiè variâ in variis temperamentis: alia morbosa, vel excessu vel defectu vitiosa. Ex statu naturali æstimari debet quis, qualis, quantus non-naturalis. Tensio sana permittit vibrationes certâ magnitudine, certâque velocitate, pro ratione causæ vibrantis: quæ si vitentur, continuo morbus aut sensibilis aut insensibilis. Quantum quævis perturbatio possit ad tensionem vibrationemque fibrarum immutandam, auscultæ experientiæ: spes vigorem conciliat, desperatio mera langorem; audacia roborat addit, timor debilitat vires; gaudium alacritatem ac levitatem corpori affert, moeror gravitatem; voluptas titillat, excruciat dolor; desiderio acuitur impetus, fastidio remittitur industria; stupor vires hebetat, *muſa* accendit; ira conatum excitat, sedata mens compescit nisu; amor ad consecutionem impellit, removet odium: neuter perturbationum status neutrum & animi & corporis statum invehit: ergo magna perturbationum vis in fibras, maximèque in nervos, proindeque in sensationes ac motiones corporis: qualis perturbatio, talis ejusdem efficacia in fibras, in nervos potissimè, in sensationes, in motiones corporeas: ergo perturbatio mediocris conjunctam habet tensionem ac vibrationem moderatam; & aut tensionem sanam, si aberat, facit; aut, si deficiebat, augeat; aut, si aderat, fovet; aut, si excedebat, compescit; pariter comparat fibras ad vibrationem sanitati congruam & magnitudine & celeritate; itaque sanitati & conservandæ & restituendæ accommodatissima; sua enim fibris ac nervis necessaria ad valetudinem omnimodam tensio, sua quoque necessaria ad vibrationem habilitas, sua denique necessaria vibratio. Jam ponamus esse fibras ac nervos, quantum omnimoda sanitas postulat, tenſos ac vibratiles: igitur si perturbatio superveniat, quæ eisdem aut rursus tendat aut contrà relaxet, jam nervi aut nimis tenſi, aut nimis laxi evadunt, atque, vibrante eadem quæ antea potentia, vibrationes fiunt à naturali statu degeneres. Si nervos poneremus esse morbosè tenſos ac vibratiles; posset superveniens perturbatio, aut laxos tendere, unde forsàn sanitas enasceretur; aut nimis tenſos laxare, unde rursus forsàn sanitas; aut laxos iterùm remittere, unde morbus ingravesceret; aut tenſos iterùm intendere, unde rursùm morbus recrudesceret: itaque in ægro, si potes, excita perturbationes morbo contrarias, & viam curationi facilem & pronam sternes; sed excita mediocres, ne incidas in Scyllam cupiens vitare Charybdim; excita varias, ne fibræ ab diuturniori situ languescant; excita non subitas, ne raptim ab unâ conditione in contrariam conversa fibra improviso fluctu nimio opere concutiat; excita non diuturnas, ne morbus aut diversus aut contrarius invehatur; excita jucundas, ne morrens aut morosus animus suam in corpus transmittat ægritudinem; ex-

eita denique honestas, ne, dum vitio sanas corpus, animum vitio contamines.

II.

TENSIO fibrarum ac nervorum nimia, si modum interrogas, ex triplici duntaxat capite pendere posse, præter nativam conformationem, videtur: 1º. ex violentâ per aliquam sui partem tractione; velut si nervum trahas vel à fine extimo in cutem desinente, ut contingit in vellicatione, inflammatione, tumore, &c. vel à fine intimo intra cranium aut spinam oriundo, ut obvenit cerebro inflammato, concussio, perturbato, &c. vel ex aliquo loco inter fines intermedio, ut accidit in partium internarum tumore, inflammatione, dolore, convulsione, &c. 2º. ex siccitate, namque dum exeunt particulæ madefacientes, interstitioli inter partes solidas interjecta (poros vocant) anteaque liquoribus sustentata occupantibus minuuntur, quoniam corpuscula fibras solidas componentia invicem subfidere coguntur ab eadem potentiâ quæ soliditatem conciliat; itaque fibræ longitudo minuitur, & quia fines, quibus utrimque nervus adnectitur, non obsequuntur, evadit tensior; ejusque rei exemplum habemus & in chordis organicis, & in pelle tympanorum: 3º. ex ingurgitatione fibræ per copiosorem humorem; humore enim intus opplente vasa dilatantur, fibræ abscedunt ab invicem, ac tantùm minuitur longitudo quantum crassitudo augetur. His ex causis omnibus nascitur fibrarum rigiditas major, flexilitas minor; ex primâ & secundâ præterea tenuitas ac durities soliditasque aucta; ex tertiâ denique crassitudo ac mollitudo sive spongiosa indoles. Tensio fibrarum nimia plures habet in excessu suo gradus: sed nimia quævis vibrationem admittit ab eadem potentiâ ut brevior em ita celeriore, velocitate breviter compensante; unde maxima tensio brevissimas ac celerimas, infinita infinitè parvas, idest, nullas: si potentia vibrans crescat eadem ratione quâ tensio, perseverabunt, nisi fibra rumpatur, vibrationes æquabili magnitudine, sed velocitate pariter incremente: atqui, cum de perturbatione animi agitur, una eademque potentia, quæ tendat, laxet, vibretque fibras, statuenda est, nempe animi in machinam corpoream instituta à Deo sapientissimo, eadem semper, ubique par, sibi que constans dominatio; Lex Divina, quæ natura nuncupatur, pari semper efficacitate pollet; proinde licet animus modò debilius modò potentiùs imperare corpori videatur, eadem est semper imperantis autoritas, sed pro vario statu diversa subditi corporis docilitas & obedientia: ergo pro variâ fibrarum conditione varia earumdem vibratio, varia quoque per eas liquorum impulsio. Contraria tensioni laxitas fibrarum nimia, ex duplici duntaxat capite, præter nativam conformationem, pendet: 1º. ex nimia tractione, quæ vel particulas fibrarum componentes penitus sejunxerit, ita ut nihil cohæreant, nec in mutuos contactus urgeantur à materiâ circumstante, quæ per viam facilem, scilicet per separationis intervalla, excurrans eas suo ambitu non amplius compingat; vel particulas eandem componentes ita semoverit, ut interstitia ampla interjecta longitudinem tamen etiamnum aliquatenus coherentem valde augeant; ut contingit in luxatione, in vulnere: &c. 2º. ex humefactione, quâ fit ut corpuscula liquida corpusculis fibrarum textentibus interposita & augeant interstitia inter particulas solidas & longitudinem protendant; quale exem-

plum & in chordis organicis & in pellibus tympanorum videas. Ex utraque causâ nascitur fibræ debilitas, flexilitas major, soliditas minor. Nimiâ laxitas, quæ pariter habet multos in excessu suo gradus, dummodò non sit omnimoda, admittit ab eadem potentiâ vibrationem & majorem & lentiorē, compensante tarditatem amplitudinē; unde maxima longissimas ac tardissimas, infinita infinitè lentas, id est, nullas: si potentia vibrans crescat eadem ratione quâ laxitas, perseverabunt, nisi fibra omninò solvatur, vibrationes æquabili velocitate, sed magnitudine pariter incrementē: at præsentī in re eadem semper est potentia vibrans. Illud autem diligenter advertisse operæ pretium, fibras, ut tensioni certæ, certæ flexilitati, certæ vibrationi, ita certæ laxitati, certæ rigiditati, certæ quieti, prout magis minusve exagitantur, facillimè consuescere: unde eandem vel debilitas vel robur, perque eas violentior vel debilior impulsio liquorum, adeoque robur totius corporis in trahendo, ferendo, movendoque pondere. Neque verò perturbationum vim ex solis fibris metiare, sed etiam ex liquoribus aut intra vasa fluentibus, aut intra receptacula aservatis, præsertim ex sanguine: est suus in quolibet homine sanguinis fluxus accuratè sanus, qui vitiosus evadat & excessu & defectu: jam sanguinis fluxum sanum perturbatio immoderata aut accelerat aut retardat, proindeque aliorum humorum è sanguine secretorum: accelerato sanguinis fluxu, continuò pulsus vitiat, sanguis vehementius attritus, nimia perspiratio, unde debilitas, crassitudo, aliquando febris: tardato sanguinis fluxu, continuò pulsus vitiosus, cruor minus comminutus, minor perspiratio, liquor tenuis avolans ac destituens crassiorem, unde pigriritia, languor, quandoque febris: idem ferè inde obvenit quod ex otio, quod ex labore; otiosus ex otio fit torpidior, laboriosus ex labore robustior: atqui in partes solidas liquores vim refundunt suam.

III.

UT morbos ab animorum perturbationibus oriundos intelligamus; ponamus, cum omnia essent in corpore planè sana, supervenisse perturbationem, quæ fibras ac nervos nimio perè tetenderit: quid obvenit? Ille tensionis excessus non in unâ peculiariter fibrâ continetur, sed, perturbatione totum corpus afficiente, divisus, in universam corporis machinam derivatur: nervi nimium tensi, nimis stringunt vasa quibus circumvolvuntur, nimis strangulant fibras carneas quibus circumtorquentur; unde utraque arctata minus dilatantur, minorem alveum pandunt liquorī, isque cursu fluit impeditiori. Sed vel nervi, quorum in quavis perturbatione maxima opera, in eadem tensione permanent sine ullâ aut parvâ tensionis & laxitatis alternatione; vel cum alternatione tensionis & laxitatis idoneâ, tumque relaxatio naturalem statum tantum excedet, quantum tensio, quia in corpore elastico vibrationes reciprocæ sunt sponte suâ æquabiles & magnitudine & celeritate. Si nervi sine idoneâ alternatione retinent jugem tensionem; ut reverà contingit in magnâ animi contentione, in timore, in mœrore, in vehemēti circa rem eandem sollicitudine, in κατὰ φύσιν, &c. tùm vasa angustata detinentur, parvæ oscillationes vasorum, liquorum fluxus non modò non adjutus per vasa parum oscillantia sed etiam impeditus per eadem angustata; unde, in visceribus

obstructions, liquores quia non impelluntur pigri, iidem quia non at-
 tuntur crassi, timida & mœsta indoles, ingenii tarditas, *μελαγχολία*, stu-
 por, pigritia & veterum corporis, temperamentum frigidum, quædam
 ad vividas animi motiones indocilitas & *ἀπάθεια*; pulsus & frequens & de-
 bilis, ægra respiratio, pauca perspiratio, suppressæ evacuationes usitatæ,
 compressis visceribus liquores intra receptacula asservati aut prurientes aut
 erumpentes ingratiis, unde *ὕπεριον πάθος* aut *γυνήϊον* non virulentæ, fibra-
 rum siccitas, unde in studiosissimis exsiccantur meninges, defixa in rem ean-
 dem & morosa & cogitabunda mens, avolantibus particulis liquorum tenui-
 bus & destituentibus crassas, humor si quis unquam atrabilarius. Si contra
 nervi tensi quidem nimium sed idoneæ vibratiles fuerint, ut in exultanti
 lætitiâ, in audaciâ, in irâ, in spe, in voluptate; tùm validior crebriorque
 ex majori tensione vibratio affert in vasis alterationes promptiores con-
 tractionum ac dilatationum validiorum ac crebriorum, fibræ evadunt vali-
 diiores, sanguis & vehementius impellitur & celerius fluit & validius
 comminuitur; pulsus crebrior, altior, validior; magna perspiratio; suc-
 cedunt lassitudo, debilitas, languor; in ipso perturbationis æstu jactatio
 varia membrorum, mens in varias cogitationes versabilis, calor corporis,
 ruptio fibrarum invalescente ac perseverante perturbatione, fibrarum sic-
 citas liquoribus copiosis absumptis & relictâ duntaxat quâdam eorum qua-
 si fœce; unde rursus obstructions, inflammationes, abscessus; hinc, ex
 irâ rupta cordis auricula sinistra; pulmo ex clamoris irati impetu dissiliens;
 decedens ex puerorum vociferatione uvula; subita mors ex gaudio effuso
 ac subito, ex risu luxuriante, ex nimia titillatione; succussio viscerum;
 variæque titillationes, amor *ἔρωτικὸς*, furor uterinus, pruritus; in *ἡδυστο-
 ρίᾳ* cerebrum siccus, in *μανικίᾳ* meninges arefactæ: ergo ex perturba-
 tionibus à nimia tensione oriundis aliæ languidæ, quæ & paulatim mace-
 rant, aliæ vividæ, quæ & citò perimunt. Ponamus contra fibras, antea in
 statu sano constitutas, superveniente perturbatione fieri laxiores: ea rela-
 xatio toto corpore propagabitur: nervi laxiores parùm stringunt vasa, pa-
 rùm fibras carneas; utraque debilius contracta latum quidem pandunt li-
 quoribus fluentibus alveum ac minus resistunt, sed, quia eos invalidè
 promovent, iidem fluunt lentissimè. Atque nervi laxiores, aut vibrantur
 idoneè sic ut laxationi succedat alterna tensio par, vel non vibrantur ido-
 neè. Si nervi sine alternâ tensione perpetuam servant laxitatem, ut usu-
 venit in multo langore crebrâque debilitate per carnem mollem flaccidam
 ac fungosam dignoscendâ; tùm vasa dilatatoria, paucæ ac debiles oscil-
 lationes, fluxus liquorum non satis adjutus per vasa, non satis attritus san-
 guis, hebes inersque temperamentum, obtusi sensus, corpus ad motum
 segne, frigida temperies, pulsus plenus & exiguus & debilis, mala coctio,
 vitiosus chylus, malus sanguis, *κακοχυσμία*. aliud *μελαγχολίας* genus, stu-
 por. Si nervi cum idoneâ tensionis alternatione laxiores evadunt, ut in
 corpore molli laxo obeso sœmineo sed tamen aliquatenus sano ob ingit;
 tùm ob reciprocas magnarum dilatationum & contractionum alternatio-
 nes; pulsus rarus, ingens, fibræ debiles, corpus invalidum, vasorum ra-
 rarum sed altæ oscillationes, sanguis parùm attritus, ingens in perturbatione
 tumultus, mens ob nimias succussiones impotens sui, ruptio fibrarum sa-

cilis, promptæ humorum μετασσει, συνδερμα, ἀναιδερμα, παλιδερμα, μορα-
 tor, timor, μελαγχολία, καταρσις, faciles morbi. Quid si jam expendamus
 indolem liquorum in quavis immoderatâ perturbatione? ut à partibus so-
 lidis impulsî vehementer, impetum acceptum refundant in fibras, in ner-
 vos, in vasa, in viscera, in membranas, in musculos, in omne solidum
 genus? ut lentè ab iisdem impulsî, easdem debiliter excitent? ut, quia in-
 ter utrasque partes viget accuratum æquilibrium, mutuò communicent
 oscillandi & fluendi vel tarditatem, vel celeritatem, vel impetum, vel
 debilitatem? Ut æquilibrium ster quidem semper vivâ machinâ, sed in
 variâ perturbatione varium? Hinc explica 1°. cur ii, qui perturbatione
 diurnâ laborant, soleant ægrotare stomacho debili, unde mala innume-
 ra: 2°. cur animi contentio, & sollicitudo, &c. macerent corpus: 3°. cur
 imaginatio tot morbos, & mortem inferat: 4°. cur sensatio vehemens
 lædat machinam humanam: 5°. cur timor, mœror, sollicitudo aut com-
 paret ad febres malignas, variolosas, morbillosas, pectechiales, pestilen-
 tes, aut eosdem invehat: 6°. cur rustici, qui vitæ quadam negligentia
 perturbationes minus sentiunt, & minus & rarius ægrotent: 7°. cur fatui,
 temerarii, cæterique honorum, divitiarum, voluptatum acerrimarum in-
 curiosi, cibos copiosos, quos assument, ritè concoquant: 8°. quàm indubi-
 tatum sit plurimas ex animorum perturbatione ægritudines exoriri: 9°. quàm
 & ad pietatem sanctè & ad valetudinem medicè præcipiatur, vitari
 vividas imagines, magnas perturbationes, acerrimas sensationes.

IV.

MORBUS ex animi perturbatione oriundus, in fibrarum ac nervo-
 rum nimia vel tensione vel laxitate, in eorumdem vel auctâ, vel
 turbatâ, vel imminutâ vibratione, in liquorum nimia vel agitatione, vel
 stagnatione, prima sui rudimenta habet; unde atrocia, varia, innumera
 συμπτώματα nascuntur. Quæ Medicina nidulantem intimis in medullis
 morbum expellet? Propter arctam animi & corporis societatem, animo
 convalescente corpus aut sanabitur, aut curationi aptius evadet; corpore
 convalescente animus aut curabitur aut sanitati fiet habilior: indubitatum,
 & perturbatione perseverante morbum non sanari, & perseverante mor-
 bo non deesse perturbationem. Medetor itaque & animo & corpori: ab
 animo, unde prima mali labes, ordine curationem: effice, si æger hila-
 ris, non sollicitus, non timidus, bonæ fidei plenus; eæ sunt sanitati con-
 gruentissimæ animi motiones: cave, ne offendas aspectu, habitu, gestu,
 sermone: flecte paulatim in contrariam morbo perturbationem: ne ima-
 ginationi, sensationi, perturbationi, rectâ fronte obviam ito, sed molli-
 ter obsecundando pugna: demissum nimis animum pederentim erige, ac
 exultantem deprime: res cogitationi, visui, auditui, olfactui, tactui,
 gustui varias, jucundas, honestas exhibe, ut varietate mens corpus variè
 afficiat, & mentem corpus. Afferatur deinde corpori medela: prout è re
 fuerit, exercitationum, equitationis, rusticationis, venationis, balnea-
 tionis, saltationis, mutati aëris, vini innocui, &c. varietate conditionem fi-
 brarum ac liquorum malam sensim corrige: hæc prima sunt tentamina:
 dein morbum in yade potentioribus medicaminibus. Sed qualianam ea
 sêrint? fuge extrema: si adhibeas acria, calefacientia, volatilia, spiri-

tuosa, maximo in gradu; nervos aut jam tenfos amplius intendes & morbum augebis, aut laxos subito ac vehementer tendes, & vel morbum morbo expelles vel novum veteri cumulabis: si lenientia, relaxantia, humectantia, mera, raptim voces in usum; nervos aut jam laxos amplius laxabis, aut tenfos subito ac raptim laxando vitiabis: præterea sunt etiam liquores benignè, si torpent, excitandi; si fervent, compescendi: simul tensio moderata, vibratio congrua fibris, simul liquoribus fluxio medicis, consilianda: quod per aquas ex ferro minerales commodè consequeris. Eæ scilicet constant & particulis aqueis volubilibus & corpusculis ferreis actuosioribus, dum aqua venas ferreas adhuc aut liquidas aut molles permearet, invicem mixtis: totus ergo aquæ ex ferro mineralis liquor secum trahit vim atque potestatem ex utroque corpore mixtam atque compositam. Aqua; si simpliciter consideretur, habet tenuitatem, liquiditatem, fluiditatem, gravitatem sanguine sano majorem at satis similem: si comparetur, 1^o. cum fibris ac nervis, valet ad partes, siccas humectandas, duras molliendas, tenfas laxandas, sordidas ablundas, quietas exagitandas, inducendam flexilitatem, corrigendam rigiditatem, poros aperiendo; 2^o. cum nostro sanguine; admixta crassiori, componet totum liquorem tenuiorem, liquidiorum, fluidiorem; admixta tenuiori quam ipsa sit, evadet totus liquor crassiusculus, minusque liquidus ac fluidus quam sanguis merus fuerat; proindeque induet sanguini morbosum indolem sanæ assimilem & proximam; 3^o. cum viscositatibus fibras, nervos, viscera, membranas aut extrinsecus obinentibus aut intrinsecus ingurgitantibus; potest eas paulatim humectare, abraderè, detergere, abludere, efferre; sales solvere, acidos emendare, alcalicos temperare, acres lenire, quosvis avehere. Ferrum sapore styptico, *πυαλικοῦ* mover ac perspirationem; ferreæ in aquis ferrugineis particule multe, globosæ, quoniam aquis volventibus facillimè obsequuntur, corpusculis aqueis solidiores, aliquando graviores, actuosiores; unde ab aquis raptatæ, impetuosè irruunt in fibras, eas quatiunt, oscillare cogunt, excutiunt latentem in eis humorem, vasorum tunicas intimas abstergunt, serum tenuius & mobilius dissipant, compingunt ergo corpuscula fibras componentia, tendunt roborantque fibras; liquores in corpore exagitant, comminuunt, viscidos solvunt, lentos propellunt, crassos attenuant, abradunt si quid oleosum est quod aqua nequeat solvere. Itaque aqua ex ferro mineralis utraq; & aquæ & ferri virtute ad morbos sanandos pollet.

V.

QUODNAM ad quosnam morbos aptum sit medicamen, via duplex potest ostendere, experientia, ratio: & quidem si experientiam atque observationem audiamus; ea felici successu, brevi perspicuoque documento clamat, aquis ex ferro mineralibus oportune adhibitis aut sanatos omnino aut valdè sublevatos morbos à perturbationibus animorum oriundos, si minus quosvis, certè plerosque, nondum inveteratos, nondum desperatos: sic ex nimia contentione animi stuporem, ex sollicitudine melancholiam, ex terrore subito *πάθος ύστερικόν*, ex amore æstroque venereo prurium ac furorem uterinum atque *χαρίμωτον*, ex mœore diarrhæam, ex irâ maniam, ex tristitiâ debilitatem stomachi & inappetentiam, ex li-

vore obstructionem , &c. oriundos morbos curatos esse cūm ex testibus
 fidis accepimus, tūm partim vidimus. Præterea multis argumentis appro-
 bat experientia, quantum valeat aqua ex ferro mineralis ad sanandos mor-
 bos ex animi perturbatione oriundos : 1^o. liquores , qui in diurnā quavis
 perturbatione tandem crassi viscidique evadunt, fieri tenuiores ac fluidio-
 res docet urina copiosa , multa perspiratio , ptyalismus abundans : 2^o. hu-
 mores lentos ac viscosos , qui aut viscera obstruebant aut vasa fibrasque
 infarciebant, paulatim eliminari, persuadent copiosæ per anum , per vul-
 vam, per nares , per os, evacuationes : 3^o. laxari fibras antea tensas ni-
 mioperè, arguit corporis refrigeratio : 4^o. eandem laxiores intendi atque
 oscillare, evincit appetitus auctus , bona coctio , agilitas corporis , mo-
 bilitas membrorum , corroboratio. Sed rem eandem testatur manifestissi-
 mè ratio : nam siue sint fibræ nimis tensæ, aqua humectando, molliendo,
 poros subeundo , paulatim longiores & laxiores facit ; siue laxæ nimis ,
 eadem exagitando , particulas infarcientes expellendo , permittit ut cor-
 puscula fibræ componentia poros minores relinquant, invicemque pro-
 prius appositæ minuant nimiam longitudinem & laxitatem ; siue minus os-
 cillant , & molliendo vibrationi habiles , & exagitando vibratiles efficit ;
 siue oscillant nimis , humefaciendo , molliendo, laxando , moderatur ni-
 miam vibrationem : deinde siue nostri liquores sint crassiores , diluit, at-
 terit, fluere ac liquefcere cogit ; siue nimio tenuiores , eadem eis com-
 mixta paululum facit crassiusculos & liquori sano proximos ; siue acres ,
 acidi , alcalici , commixta corrigit suā insipiditate, liquiditate, frigiditate.
 Et quid verò possit esse ad morbos & perturbationibus oriundos aut planè
 sanandos aut magnoperè sublevandos aptius , quàm illud medicamen-
 tum congruentissimā temperie per aqueas ferreasque particulas invicem
 mixtas ita sit comparatum , ut neque in liquoribus possit nimiam aut te-
 nuitatem aut crassitudinem, fluiditatem aut visciditatem , celeritatem aut
 tarditatem , rarefactionem aut densitatem creare ; neque in partibus soli-
 dis nimiam aut tensionem aut laxitatem, vibrationem aut immobilitatem,
 rigiditatem aut flexilitatem , humiditatem aut siccitatem excitare ; sed ita
 componat , ut & liquores sint sanis aut pares aut proximi , & partes so-
 lidæ mediocritate tensionis atque vibrationis acquirant statum aut natura-
 lem aut naturali vicinum ; denique ita omnia & nimia moderetur , & de-
 ficientia suppleat , ut æquilibrium naturali simile ubique vigeat , atque
 resarciat quicquid perturbatio ipsa vitia verat , quidquid vitium nascens
 ex perturbatione morbus aut invenerat aut fecerat ?

Ergo adversus morbos & perturbationibus oriundos aqua ex ferro mineralis
 Domini Doctores disputaturi.

M. Egidius Adam.

M. Joan-Nicolaus de la Hire , M. Joannes Depiney-Peschard.
Pharmacia Professor & Re-
gia Scientiarum Academia
Socius.

M. Camillus Falconet , Regia
utrinque Aula Equæstris
Medicus ordinarius.

M. Antonius Geoffroy.

M. Philippus Fontaine.

M. Hyacinth-Theoderus Baron. M. Joan-Francisus Contier. M. Antonius Pepin.

Proponebat Parisiis JOANNES MOULLIN, Ebroënsis, Baccalau-
 reus Medicus , A. R. S. H. 1722. à sextâ ad meridiem.